

欽定四庫全書

子部

太平惠民和劑局方卷上

詳校官太醫院醫士程泰

編修臣倉聖脈覆勘

總校官編修臣王燕緒

校對官主事臣陳文樞

謄錄監生臣左顯若



欽定四庫全書

太平惠民和劑局方指南總論卷上

宋 陳師文等 撰

論處方法

夫處方療疾當先診知病源察其盈虛而行補瀉辨土地寒暑觀男女盛衰深明草石甘辛細委君臣冷熱或正經自病或外邪自病所傷或在陰在陽或在表在裏須當審其形候各異虛實不同尋彼邪由知病

欽定四庫全書

太平惠民和劑局方_指南總論

所起表實則瀉表裏實則瀉裏在陽則治陽在陰則治陰以五臟所係之藥於四時所用之宜加減得中利汗無誤則病無不差矣若不洞明損益率自胸襟畏忌不分反惡同用或病在表而却瀉裏病在裏而却宣表在陰則瀉陽在陽則瀉陰不能曉了自昧端由病既不瘳遂傷患者深可戒也故為醫者必須澄心用意窮幽造微審疾狀之淺深明藥性之緊緩製方有據與病相扶要妙之端其在于此凡療諸病當



先以湯蕩除五臟六腑開通諸脉理順陰陽令中破邪潤澤枯朽悅人皮膚益人氣力能淨萬物故用湯也若四肢病久風冷發動次當用散散能逐邪風氣濕痺表裡移走居無常處散當平之次當用丸丸藥者能逐風冷破積聚消諸癥堅進美飲食調和榮衛能參合而行之者可謂上工故曰醫者意也大抵養命之藥則多君養性之藥則多臣療病之藥則多使審而用之則百不失一矣

欽定四庫全書

太平惠民和劑局方 指南總論

夫療寒以熱藥療熱以寒藥飲食不消以吐下藥鬼疰蠱毒以蠱毒藥癰腫瘡瘤以瘡瘤藥風濕以風濕藥各隨其宜雷公云藥有三品病有三階藥有甘苦輕重不同病有新久寒濕亦異夫重熱膩醋鹽藥石并飲食等於風病為治餘病非對輕冷甘苦澀藥草石等於冷病為治餘病非對其大綱略顯其源流其餘覩其病狀可知臨事制宜當識斯要矣



論合和法

凡合和湯藥務在精專甄別新陳辨明州土修製合度
分兩無差用得其宜病無不愈若真假非數類冷熱
相乖草石昧其甘辛炮炙失其體性篩羅麤惡分劑
差殊雖有療病之名永無必愈之效是以醫者必須
慇懃注意再四留心不得委以他人令其修合非但
多少不等兼以失本方意搗和之後妍醜難明衆口
嘗之衆鼻嗅之精氣一切都盡而將療病固難得效

欽定四庫全書

太平惠民和劑局方
指南總論

此蓋是合和之盈虛不得咎醫方之淺拙宜加審察
又古方藥味多以銖兩及用水皆言升數年代綿歷
漫遠傳寫轉見乖訛或分兩少而水數多或水數少
而分兩多輕重不等器量全異若不別其精粗何以
明其取捨今則加減合度分兩得中削舊方之參差
合今時之行用其方中凡言分者即二錢半為一分
也凡言兩者即四分為一兩也凡言斤者即十六兩
為一斤也凡言等分者非分兩之分即諸藥之斤兩



多少皆同為等分也凡煮湯云用水大盞者約一升也一中盞者約五合也一小中者約三合也務從簡易庶免參差俾修合煎調臨病濟急不更冗繁易為曉了也凡草有根莖枝葉皮骨花實諸蟲有毛翅皮甲頭足尾骨之屬有須炮炙生熟有定一如其法順方者福逆方則殃或須肉去皮或須皮去肉或須根莖或須花實依方揀練事褫理削極令淨潔然後秤足分兩勿得參差藥有相生相殺氣力有強有弱君

欽定四庫全書

太平惠民和劑局方
指南總論

臣相使若不廣通諸經則不知有好有惡或醫自以意加減不依方分兩使諸藥石強弱相欺入人腹中不能治病更相攻擊草石相反使人迷亂力甚刀劍若調和得意雖未能去病猶得安和五臟於病無所增劇也

凡煮湯當以井花水極令淨潔其水數多少不得參差常令文火小沸令藥味出煮之調和必須用意然則利湯欲生少水而多取補湯欲熟多水而少取用新



布絞之服湯寧小熱即易消下若冷即令人嘔逆云
分再服三服者要令勢力相及并視人之強弱病之
輕重為進退增減之不必悉依方說也

凡搗羅丸藥用重密絹令細於蜜中和則易熟若羅草
藥為散以輕細絹於酒中調服則不泥其石藥亦用
細絹羅然後研理數百過視色理和同為佳也

凡湯酒中用諸石藥皆細擣羅之粟米亦可以葛篩令
調並新綿裹內湯酒中同煎凡合丸散藥先細切曝

欽定四庫全書

太平惠民和劑局方_指南總論

燥乃搗之有各搗者有合搗者並隨方所言其潤澤
藥如天門冬乾地黄之類並細切曝獨擣令偏碎更
出細擘曝乾若逢陰雨亦以微火烘之既燥小停冷
乃擣之

凡濕藥燥皆大耗當先增分兩須得屑乃秤之為正其
湯酒中不須如此也

凡漬藥酒皆須細剉用生絹盛之乃入酒密封隨寒暑
日數俟其濃烈便可漉出不必待服至酒盡也滓可



曝燥微搗更漬飲之亦可為散服

凡合膏藥初以酒或醋漬令淹浹不用多汁密覆勿洩
從今旦至明旦亦有止一宿者微火煎之令三上三
下以洩其熱勢令藥味得出上之使布布沸乃下之
使沸靜良久乃止寧欲其小生其中有薤白者以兩
頭微焦黃為度有白芷附子者亦令小黃色也猪肪
皆勿令經水臘月者彌佳絞膏以新布絞之若是可
服之膏膏查亦可酒煮飲之可摩之膏膏查則宜以

欽定四庫全書

太平惠民和劑局方
指南總論

傳病上此蓋欲兼盡其藥力故也膏中用雄黃朱砂
麝香乳香鉛丹之輩皆別研如粉候膏畢乃可投中
以物疾攪至於凝強勿使沉聚在下不調有水銀胡
粉者於膏中研令極細

凡修鍊神仙延年丸散皆須先淨其室燒香洒掃勿令
浪語當使童子搗之務令細熟杵數可至千萬過以
多為佳勿令婦女小兒喪孝產婦及痼疾六根不具
之人及六畜見之皆不效也其逐急諸小湯藥則不



在此例

論服餌法

夫藥有君臣佐使人有強弱虛實服餌之法輕重不同少長殊途強羸各異或宜補宜瀉或可湯可丸加減不失其宜藥病相投必愈若病在膺膈以上者先食而後服藥病在心腹以下者先服藥而后食病在四肢血脉者宜空腹而在旦病在骨髓者宜飽滿而在夜凡藥勢與食氣不欲相逢食氣消即進藥藥氣散

欽定四庫全書

太平惠民和劑局方 指南總論

而進食如此消息即得五臟安和非但藥性之多方其節適早晚復須調理今所云先食後食蓋此義也凡服湯欲得稍熱服之則易消下若冷則嘔吐不下若太熱則傷人咽喉務在用意湯必須澄清若濁則令人心悶不解中間相去如步行十里久即再服若太促者前湯未消後湯乘衝必當吐逆仍問病者腹中藥消散否乃更進服

凡服丸藥補者皆如梧桐子大以二十九丸為始從一服



漸加至四十九丸為限過多亦損人云一日再服者欲
得引日多時不闕藥力漸積薰蒸五臟彌久為佳不
須頓服為善縱餌名藥獲益甚少也

凡服浸酒藥欲得使酒氣相接無得斷絕斷絕則不得
藥力多少皆隨性飲之以知為度不可令大醉至吐
大損人也

凡服毒藥治病先起如黍粟病去而止不去倍之不去
十之取去為度令藥中單行一兩種有毒之藥只如

欽定四庫全書

太平惠民和劑局方 指南總論

巴豆甘遂之輩不可令至盡劑爾如經所說一味一
毒服一丸如細麻二味一毒服二丸如大麻三味一
毒服三丸如胡豆四味一毒服四丸如小豆五味一
毒服五丸如大豆六味一毒服六丸如梧桐子以數
為丸而毒中又有輕重只如狼毒鈎吻豈同附子芫
花之輩耶凡此之輩皆須量用也

凡餌湯藥後其粥食肉菜皆須大熱大熱則易消與藥
相宜若生則難消復損藥力仍須少食菜於藥為佳



亦少進鹽醋乃善亦不得苦心用力及於喜怒是以
療病用藥力為首若在食治將息得力大半於藥所
以病者務在將息攝養之至可以長生豈止愈病而
已哉

論用藥法

夫濟時之道莫大於醫去疾之功無先於藥人居五行
四氣病生暑濕風寒藥分三品七情性有溫平冷熱
凡於行用不得差殊庶欲立方便須憑據療之合理

欽定四庫全書

太平惠民和劑局方_指南總論

病無不痊若自昧新陳莫分真偽用之偏僻使之稀
疎著以別名求於竒異未諳體性妄說功能率自曾
襟深為造次是以醫不三世不服其藥斯言信有之
矣豈不深思者哉又不得用土地所無貴價難市珠
珍諸寶希罕所聞縱富貴而無處搜求設貧下而寡
財不及或於遠邦求藥或則確執古方不能變通稽
於致辨病既深矣藥何療焉繇是醫者必須捨短從
長去繁就簡卷舒自有盈縮隨機斟酌其宜增減允



當察病輕重用藥精微則可謂上工矣

凡藥有君臣佐使以相宣攝合和宜用一君二臣三佐

五使又可一君三臣九佐使也又有陰陽配合

掌禹錫等

按蜀本註云凡天地萬物皆有陰陽大小各有色類尋究其理並有法象故毛羽之類皆生於陽而屬於陰鱗介之類皆生于陰而屬於陽所以空青法木故色青而主肝丹砂法火故色赤而主心雲母法金故色白而主肺雌黃法土故色黃而主脾磁石法水故色黑而主腎餘皆以此推之例可知也

子母兄弟

掌禹錫等按蜀本註云若榆皮為母厚朴為子之類是也

根莖花實草

木骨肉又有單行者有相須者有相使者有相畏者

欽定四庫全書

太平惠民和劑局方 — 指南總論

有相惡者有相反者有相殺者凡此七情合和之時留

意示之當用相須相使者良勿用相惡相反者若有

毒者宜制可用相畏相殺者不爾勿合用也

掌禹錫等謹按

蜀本註云凡三百六十五種有單行者七十一種有相須者十二種相使者九十種相畏者七十八種相惡者六十種相反者十八種相殺者三十六種凡此七情合和視之

又有酸鹽甘苦辛五味又有寒熱溫涼四氣又有有

毒無毒陰乾暴乾採造時月生熟土地所出真偽新

陳並各有法也



凡採藥時月皆是建寅歲首則從漢太初後所記也其
根物多以二月八月採者謂春初津潤始萌未衝枝
葉勢力淳濃故也至秋枝葉乾枯津潤歸流於下今
即事驗之春寧宜早秋寧宜晚華實莖葉乃各隨其
成熟爾歲月亦有早晏不必都依本文也

凡本草說陰乾者謂就六甲陰中乾之又依遁甲法甲
子旬陰中在癸酉以藥著酉地也實謂不必然正是
不露日暴於陰影處乾之爾所以亦有云暴乾故也

欽定四庫全書

太平惠民和劑局方_指南總論

今按本草採藥陰乾者皆多惡至如鹿茸經霜稱陰
乾皆悉爛合壞今火乾易得且良草木根苗陰之皆
惡九月已前採者悉宜日乾
十月已後採者陰乾乃好 若幸可而用益當為善

論三品藥畏惡相反

尋萬物之性皆有離合虎嘯風生龍吟雲起磁石引針
琥珀拾芥漆得蟹而散麻得漆而湧桂得葱而軟樹
得桂而枯戎鹽累卵獺胆分盃其氣爽有相關感多
如此類其理不可得而思之至於諸藥尤能遽為利
害先聖既明有所說何可不詳而避之時人為方皆



多漏畧若舊方已有此病亦應改除假如兩種相當
就其輕重擇而除之傷寒赤散吾常不用藜蘆斷下
黃連丸亦去其乾薑而施之無不效何忽強以相憎苟
令共事乎相反為害深於相惡相惡者謂彼雖惡我
我無忿心猶如牛黃惡龍骨而龍骨得牛黃更良此
有以制伏故也相反者則彼我交讐必不宜合今畫
家用雌黃胡粉相近便自黯妬粉得黃即黑黃得粉
亦變此蓋相反之證也藥理既昧所以不效人多輕

欽定四庫全書

太平惠民和劑局方
指南總論

之今按方處治必恐卒難尋究本草更復抄出其事
在此覽略看之易可知驗而本經有直云茱萸門冬
者無以辨山吳天麥之異咸宜各題其條人有亂誤
處譬如海蛤之與鮫甲畏惡正同又有諸芝使署預
署預復使紫芝計無應如此不知何者是非亦且併
記當更廣驗正之又神農本經相使正各一種兼以
藥對參之乃有兩三於事亦無嫌其有云相得共療
其病者既非防避之禁不復疏出



上藥一百二十種為君主養命以應天無毒多服久服
不傷人欲輕身益氣不老延年者其上品藥性亦皆
能遣疾但其勢大和厚不為倉卒之效然而歲月常
服必獲大益病既愈矣命亦兼申天道仁育故云應
天一百二十種者當謂寅卯辰巳之月法萬物生榮
時也

中藥一百二十種為臣主養性以應人無毒有毒斟酌
其宜欲遏病補虛羸者其中品藥性療病之辭漸深

欽定四庫全書

太平惠民和劑局方 指南總論

輕身之說稍薄於服之者祛患當速而延齡為緩人
懷性情故云應人一百二十種者當謂午未申酉之
月法萬物成熟時也

下藥一百二十五種為佐使主治病以應地多毒不可
久服欲除寒熱邪氣破積聚愈疾者其下品藥性專
主攻擊毒烈之氣傾損中和不可常服疾愈即止地
體收殺故云應地一百二十五種者當謂戌亥子丑
之月法萬物枯壯時也兼以閏之盈數加之神農本



經三品合三百六十五種法三百六十五度一度應
一日以成一歲也今所舉其綱目以明藥之品數其
本草中唐之所附名醫嘗用加添之藥不在此例也

論服藥食忌

有朮勿食桃李及雀肉胡荽大蒜青鮓等物

有藜蘆勿食狸肉 有巴豆勿食蘆筍羹及野猪肉

有黃連桔梗勿食猪肉 有半夏菖蒲勿食飴糖及羊肉

有地黃勿食蕪荑 有細辛勿食生菜

欽定四庫全書

太平惠民和劑局方 指南總論

有天門冬勿食鯉魚 有甘草勿食菘菜及海藻

有牡丹勿食生胡荽 有商陸勿食犬肉

有常山勿食生葱生菜 有空青朱砂勿食生血物

有茯苓勿食醋物 有鱉甲勿食莧菜

服藥不可多食生胡荽及蒜雜生菜又不可食諸滑物

果實等又不可食肥猪犬肉油膩肥羹魚膾腥臊物

服藥通忌見死尸及產婦淹穢事

論炮炙三品藥石類例



細方入藥用	搗研水飛令極	太陰玄精石	飛過晒乾方入藥用	凡使用搗碎細研水	白	飛過日中晒乾方入藥用如急用	只燒過研	百草霜	村莊者良凡使須研令	滑石	凡使	依本方	伏龍肝	燒赤研細水飛方入藥用如急用	有煨煉各	灰	凡使須用風化為末者佳先以醋浸一宿漉出候	緩急只炒過研細使亦得	食鹽	凡使先須炒過	石	火中煨令通赤方入藥用如	硝石	凡使先研令極細	黃丹	極細再羅過方入藥用	凡使先研令極細	此以鐵銚炭火鎔開取出瀉于新瓦上漉去渣脚如	先以鐵銚炭火鎔開取出瀉于新瓦上漉去渣脚如	方入藥用如入湯劑即杵水淘去赤汁使	黑鉛	燒通赤醞醋內滓九遍搗碎羅過細研水飛	磁石	凡使先	燒通赤好酒內滓七遍如只依好酒煮	陽起石	凡使先	得	硫黃	凡使先細研水飛過方入藥	陽起石	凡使先	白石脂	凡使須於炭火中煨過赤取出放冷研細水	過者方研細入藥用如生用者各依本方	赤石脂	本方各依	石鍾乳	凡使先依法煮候日數足入	白礬	使	玉石部丹砂雄黃雌黃	凡使先打碎入藥用如別有煨
-------	--------	-------	----------	----------	---	---------------	------	-----	-----------	----	----	-----	-----	---------------	------	---	---------------------	------------	----	--------	---	-------------	----	---------	----	-----------	---------	----------------------	----------------------	------------------	----	-------------------	----	-----	-----------------	-----	-----	---	----	-------------	-----	-----	-----	-------------------	------------------	-----	------	-----	-------------	----	---	-----------	--------------



乾碎 用焙 薏苡仁 米凡 同焙 乾以 用糯 遠志 方凡 入使 藥先 用須 如去 不去 心乾	使亦 乾用 不妨 如為 細末 薄切 微火 焙乾 也 山藥 川芎 等 凡 須 對	日乾 用如 妨然 不若 晒乾 之為 妙也 山藥 川芎 等 凡 須 對	藥方 入車 前子 凡使 須微 炒燥 方入 藥 木香 凡使 須細 對	前胡等 凡使 乾先 去蘆 頭洗 白朮 獨活 羌活 等 凡使 須乾	膝方 凡使 如急 洗去 蘆頭 剉碎 以酒 浸一 日 柴胡	日乃 出更 晒微 乾搗 之須 史悉 盡熱 即易 碎 川牛	然後 入藥 同搗 搗之 不盡 者更 以酒 浸經 三五 川牛	爾兔 絲子 凡使 一晝 夜瀉 出蒸 過乘 熱杵 為粗 末 焙乾	凡使 先去 皮焙 乾方 入藥 用如 緩急 不浸 亦得 但稍 燥	欽定四庫全書 太平惠民和劑局方 指南總論	不若 酒浸 蒸過 為佳 生乾 者只 生用 不用 酒蒸 蒼朮	方入 藥用 如急 用只 以酒 酒蒸 過使 不蒸 亦得	或生 用亦 依本 方熟 地黃 日凡 使須 淨洗 過以 酒浸 一	稍多 只熾 炒亦 得 熟地 黃 日凡 使須 淨洗 過以 酒浸 一	冬抽 凡使 先去 心焙 乾秤 用 甘草 微炙 黃赤 色方 入藥 用如	藥方 入人 參凡 使先 去蘆 頭對 焙乾 秤方 天門 冬麥 門	草部 葛蒲 剉碎 微炒 用或 只焙 乾亦 得 菊花 凡使 須去	如緩 急不 煨亦 得	凡使 先以 大火 煨過	結澀 人腸 也 自然 銅 醋淬 九遍 細研 羅過 用 花藥 石	方入 藥用 免 自然 銅 醋淬 九遍 細研 羅過 用 花藥 石	聖水 即白 甘土 也凡 使每 修寧 一兩 用鹽 一分 投于 斗
---	---	--	--	--	---	---	--	---	---	----------------------------	--	--	---	---	---	---	---	---------------------	----------------------	--	--	---



當歸	凡使一宿瀉出焙乾方用或微炒用各依本方若	藥入苦參	凡使一宿瀉出焙乾方用或微炒用各依本方若	一宿至明日瀉出焙乾方用或微炒用各依本方若	凡使須先瀉出焙乾方用或微炒用各依本方若	藥用山茵陳	凡使須先瀉出焙乾方用或微炒用各依本方若	過方入五味子	凡使須先瀉出焙乾方用或微炒用各依本方若	方入藥用如急用不浸亦得細辛	妙破血消腫即生使補血止血即炒用之續斷	三重紙焙令色黃蒸半日却焙令乾用之	發痼疾切宜慎之蒲黃	人發狂義尾者令人蒲黃	欽定四庫全書	或焙乾使亦得防風	浸煮過研如膏	肉蓯蓉	凡使一宿瀉出焙乾方用或微炒用各依本方若	取出酒拌蒸再用黃耆	炒乾方入藥用	對碎用蜜拌慢火	方巴戟天	凡使須先瀉出焙乾方用或微炒用各依本方若	石斛	凡使須先瀉出焙乾方用或微炒用各依本方若	急不浸亦得澤瀉	出曝乾用如緩	浸一宿瀉出焙乾用尤妙龍膽草	令人煩悶更能以甘草湯
----	---------------------	------	---------------------	----------------------	---------------------	-------	---------------------	--------	---------------------	---------------	--------------------	------------------	-----------	------------	--------	----------	--------	-----	---------------------	-----------	--------	---------	------	---------------------	----	---------------------	---------	--------	---------------	------------



<p>骨脂 水性本太燥毒熱凡使酒浸一宿漉出妙如緩急只</p>	<p>京三稜蓬莪朮 凡使先以醋煮剉碎焙乾用</p>	<p>牡丹皮 凡使須淨揀酒</p>	<p>茴香 凡使淘洗令淨</p>	<p>高良薑 凡使先剉碎以麻油</p>	<p>阿魏 凡使淨鉢</p>	<p>蒟子 凡使要淨揀勿令有雜別子然後用酒拌蒸</p>	<p>艾葉 凡使先去枝梗杵成茸以稀糯米</p>	<p>白薇 凡使先須去苗</p>	<p>草薺 凡使先須去苗</p>	<p>紫苑 凡使先須淨洗</p>	<p>狗脊 凡使以猛火</p>	<p>仙靈脾 凡使用羊脂拌炒</p>	<p>芎藥 凡使須剉碎焙</p>	<p>瞿麥 凡使</p>	<p>麻黃 凡使先</p>	<p>木通 凡使先須剉去</p>
--	---	---	--	---	--	---	---	--	--	--	---	--	--	--	---	--



用入藥 乾漆 藥凡用 不須搗 爾損人 腸胃 蔓荊子 凡一伏 時取	用入藥 酸棗仁 凡七分 使香熟 方研破 用黃蘗 皮使蜜 塗灸方 粗	茯苓猪苓 皮凡剉 碎須先 焙乾用 黑茯苓 神心所 枹木剉 碎焙乾 中	木部肉桂 方凡使 不見火 先去粗 皮令見 心中 有味 處剉	並微炒 過川芎 白芷 方並剉 碎焙乾 用	仁焙乾 却去皮 取桔梗 大戟延 胡索葶 藶子牽 牛子等	焙乾不 蒸亦可 葫蘆巴 過入藥 用使君 子熱灰 中和	晒乾用 緩急只 葫蘆巴 過入藥 用使君 子熱灰 中和	鈴過方 凡使須 微灸骨 碎補 凡使用 刀刮去 上黃皮 毛令	欽定四庫全書 太平惠民和劑局方 指南總論	用花 一名金 沸草凡 使須蒸 過常山 凡使剉 碎酒浸 一	天南星 白附子 凡使于 熱灰中 炮裂方 入藥	此用合 湯妙大 黃凡使 或蒸過 用利即 生焙乾 用旋覆	之焙乾 尤佳 凡使或 蒸過用 利即生 焙乾用 旋覆	劑宿捏 作餅子 焙乾使 如更杵 為末再 以薑和 劑淹一	戟入咽 喉可杵 為末以 生薑等 分搗研 和為劑 淹一	剉焙乾 用半夏 凡使先 以沸湯 浸候溫 洗去滑 如此	為度去 麵皮臍 尖切片 焙乾用 亦得肉 豆蔻 凡使先 以麵裹 于	製以東 流水浸 七日夜 去肉豆 蔻凡使 先以麵 裹于	皮臍尖 切片焙 乾用亦 得肉豆 蔻凡使 先以麵 裹于	雄等皮 臍焙乾 方入藥 用烏頭 皮凡使 先炮裂 令熟去	去鹽同 炒令香 縮砂 凡使先 和皮慢 火炒令 附子天	以鹽同 炒令香 縮砂 凡使先 和皮慢 火炒令 附子天
--	---	--	--	-------------------------------------	---	--	--	--	----------------------------	---	---------------------------------------	---	---	---	--	--	--	--	--	---	--	--



得他	急只	獸部	乳香	羅過	入木	取出	取肉	并子	要揀	椒紙	膜了	爛搗	欽定	大腹	只剉	三次	以麵	者先	用不	亦得	者不	方入	碎微	亦可	令絲	乾用	出焙
有炮	以酒	龍骨	松脂	去核	白內	焙乾	酒浸	塗肥	揀肥	凡使	以水	以紙	四庫	皮汁	剉碎	取令	炒焦	以湯	梔子	不洗	入藥	入藥	炒過	絲絕	杜仲	焙凡	
製各	煮焙	凡使	等極	方入	杵為	方入	蒸一	長大	長大	先去	煮五	庫全	凡使	使薑	令香	侯香	浸磨	凡使	檳榔	檳榔	用吳	吳菜	沉香	凡使	凡使	凡使	
依本	乾用	要粘	凡使	藥用	細末	藥用	伏時	不註	不註	枝梗	度換	書	須以	汁炒	為度	去穢	去穢	凡使	底細	凡使	菜莖	香檀	凡使	無絲	令無	令無	
方麝	亦飛	舌者	並須	燕萹	凡使	棟實	藥用	黃方	削去	蓋目	水各	太平	酒洗	亦可	或度	穢乾	穢乾	凡使	須存	須存	炒過	為細	凡使	為度	為度	為度	
香牛	黃三	酒浸	入藥	炒過	凡使	剝去	藥用	入藥	去皮	閉口	煮一	局方	再大	山菜	厚朴	凡使	凡使	凡使	端正	端正	方入	凡使	凡使	凡使	凡使	凡使	凡使
黃細	凡使	一宿	用藥	方用	微龍	皮焙	酒浸	灰中	凡使	微炒	研不	指南	可用	莖莖	凡使	凡使	凡使	凡使	堅實	堅實	藥用	凡使	凡使	凡使	凡使	凡使	凡使
然後	先用	焙乾	別研	可用	腦麟	乾以	潤待	炮去	于糖	用適	爾令	論	大豆	和核	凡使	凡使	凡使	凡使	若治	若治	外病	凡使	凡使	凡使	凡使	凡使	凡使
入藥	用別	乾細	之令	龍腦	麟竭	以麩	待上	去核	于糖	隔皂	令人	蜀	巴豆	使使	凡使	凡使	凡使	凡使	以刀	以刀	不入	凡使	凡使	凡使	凡使	凡使	凡使
用之	研令	搗羅		竭		炒	皮			凡使			凡使	凡使	凡使	凡使	凡使	力效	力效	若熟	凡使	凡使	凡使	凡使	凡使	凡使	凡使



<p>瀉即 人吐 天漿子 炒凡 過用 之微 蛻娘 足凡 灸使 過先 用去 之頭 翅 五靈脂</p>	<p>用 蜈蚣 方凡 可入 藥用 過 斑貓 同凡 炒使 熟先 方去 可足 入翼 藥用 糯用 米生</p>	<p>令 黃以 色酒 乾浸 燥五 去日 皮夜 骨慢 取火 肉上 入反 藥覆 用灸 地龍 土凡 微使 炒先 過搓 方去</p>	<p>方 蛇蛻 成凡 灰使 入先 藥須 用灸 各過 依方 本可 方用 炮或 製燒 烏蛇 製凡 白花蛇 使凡</p>	<p>炒 蝦蟇 焦凡 黃使 為先 度以 或酥 燒塗 灰或 存酒 性浸 用慢 他火 有中 炮反 製覆 各灸 依令</p>	<p>有 只去 生絲 用者 各微 依炒 本過 方用 或 原蠶 凡 過使 方去 入翅 藥足 用微 蠶炒 沙炒</p>	<p>蟬 蛻 泥凡 土使 却先 曝去 乾嘴 微足 炒湯 過浸 任潤 用洗 之去 白殭蠶 色凡 條使 直要 者白</p>	<p>覆 灸令 黃赤 色為 度如 急用 露蜂房 凡 使先 灸過 方得</p>	<p>欽定四庫全書 太平惠民和劑局方 指南總論</p>	<p>桑 螵蛸 或凡 蒸使 過先 亦用 得灸 過 蟹甲龜甲 日凡 去使 裙須 漫用 火醋 中浸 反三</p>	<p>真 珠 令凡 細使 絹受 羅取 重新 篩淨 過未 更曾 研傷 一破 二及 萬鑽 下透 了者 任於 用白 之</p>	<p>壞 沫令 掠色 之微 多黃 少則 隨經 蜜久 粗不 精 牡蠣 冷凡 細使 研用 如火 粉煨 方令 可通 用赤 侯</p>	<p>禽 魚蟲部 夜明砂 微即 炒伏 過翼 方屎 入也 藥凡 用使 須 白蜜 火凡 煎使 掠先 去以</p>	<p>方 反 入覆 藥灸 用令 熟</p>	<p>及 酥等 反 覆 灸 令 黃 赤 色 方 用 酒 膾肭臍 酒 凡 浸 慢 火</p>	<p>慢 火先 灸令 脆方 用或 酥塗 灸各 依本 方炮 製 虎骨</p>	<p>者 先 燎去 毛令 淨約 三寸 已來 截斷 酒浸 一日 鹿茸 茸凡 連使 頂用 骨茹</p>	<p>阿 膠及諸膠 如凡 珠子 須搗 碎炒 使沸 燥 鹿茸 茸凡 連使 頂用 骨茹</p>
--	--	---	--	--	--	---	---	-------------------------------------	--	---	--	---	---	--	--	--	---



<p>凡使先以酒研飛鍊淘 去沙石晒乾方入藥用</p>	<p>果菜部草豆蔻 凡使須去皮取仁焙乾用或只 和皮煨灰中炮熟去皮用亦得</p>	<p>皮 凡使先以湯浸磨去穢曝乾 炒入藥用或急用只焙乾亦得</p>	<p>烏梅 凡使先洗搥 去核取肉微</p>	<p>杏仁桃仁 凡使先去湯浸去皮尖及</p>	<p>雙仁者控乾用麵 炒令黃赤色為度</p>	<p>胡桃 凡使去殼以湯浸去</p>	<p>黑子 凡使</p>	<p>赤小豆大豆黃卷麥蘖神麩白扁豆菴豆等 凡使並用炒過</p>	<p>方入藥用 凡有修合依法炮製分兩無虧勝也</p>	<p>欽定四庫全書</p>	<p>太平惠民和劑局方</p>	<p>指南總論</p>	<p>太平惠民和劑局方總論卷上</p>
--------------------------------	--	--	--------------------------------------	-----------------------------------	-----------------------------------	-------------------------------	-------------------------	--	---------------------------------------	---------------	-----------------	-------------	---------------------



欽定四庫全書

太平惠民和劑局方指南總論卷中

宋 陳師文等 撰

論中風證候

中風總論夫風為天地浩蕩之氣正順則能生長萬物
偏邪則傷害品類人或中邪固鮮有不致斃者故入
藏則難愈如其經絡空虛而中傷者為半身不遂手
脚癱瘓涎潮昏塞口眼喎斜肌膚不仁痺瘳攣僻隨

欽定四庫全書

太平惠民和劑局方_指南總論

其藏氣所為不同或左或右邪氣反緩正氣反急正
氣引邪喎僻不遂蓋風性緊暴善行數變其中人也
卒其眩人也暈激人涎浮昏人神亂故推為百病長
聖人先此以示教太醫編集所以首論中風也

論諸風之由夫中風者皆因陰陽不調藏府氣偏榮衛
失度血氣錯亂喜怒過傷飲食無度嗜慾恣情致於
經道或虛或塞體虛而腠理不密風邪之氣中於人
也其狀奄忽不省人事涎潮昏塞舌強不能言者可



先與通關散搐鼻次服至寶丹此藥性涼稍壯人可
與氣虛及年高人不可與服只與後藥卒中風筋急
頭眩者可與七寶丹中風半身不遂口眼喎斜筋攣
骨痛者可與小續命湯追風應痛丸中風邪氣入藏
狂言恍惚與排風湯中風手足癱瘓多與青州白丸
子中風項背拘強牙關緊急者可與三五七散中風
手足戰掉腰脚緩弱可與活絡丹七寶丹年高脚弱
者可與黃耆丸

欽定四庫全書

太平惠民和劑局方 一 指南總論

論諸風氣中此病多生於驕貴之人因事激挫忿怒而
不得宣泄逆氣上行忽然仆倒昏迷不省人事牙關
緊急手足拘攣其狀與中風無異但口內無涎聲此
證只是中氣不可妄投取涎發汗等藥反生他病但
可與七氣湯分解其氣散其壅結其氣自止七氣湯
連進效速更可與蘇合香丸

論中風半身不遂皆因風邪中於經絡氣血遲行機關
縱緩故手足不遂口眼喎斜可與七寶丹偏風語言



蹇澀可與小續命湯偏風走注疼痛身體麻木可與
活絡丹偏風恍惚不定可與排風湯偏風痰涎盛者
可與青州白丸子拘急脚弱口噤者可與龍虎丹癱
瘓手足不遂可與透冰丹偏風筋脉攣急可與驅風
丸乳香起痛散乳香丸七寶丹

論諸風骨節疼痛皆因風氣入於筋絡及骨節疼痛或
攻注脚手痛或拘攣伸屈不得者可與乳香趁痛散
追風應痛丸活絡丹乳香丸沒藥丸太嶽活血丹皆
可服宜先與五香散淋瀝次用活血丹塗之

欽定四庫全書

太平惠民和劑局方 指南總論

論風濕證候皆因腠理虛風與寒濕氣傷之每遇夜間
或三四更以來腰背倦痛轉側不得或身體倦痛者
為有寒濕也與小續命湯大便秘小便多身疼痛者
可與朮附湯若骨節煩疼者可與乳香趁痛散或身
體麻木足脛弱者可與追風應痛丸黃耆丸腰痛甚
者可與青娥丸

論諸風大便不通皆因風邪熱滯腸胃津液乾燥秘澀



<p>可與麻仁丸三和散不通即與皂角丸如通即止之 不可久服如氣虛及老人不可與皂角丸只與麻仁 丸三和散四物湯加去白青皮等分同煎秘甚者可 與神功丸不可與虛老人服</p>	<p>論諸風小便不通皆因小腸積熱膀胱壅滯不利可與 導赤丸雞蘇丸三黃丸三和散秘甚者與神功丸五 苓散</p>	<p>論風濕脚氣候皆因風濕毒氣入於脚膝之間其狀或 赤腫或冷痛或麻木不仁或脚軟而緩或增寒壯熱 作渴筋脉拘急可與俞山人降氣湯排風湯小續命 湯小降氣湯痛者與石楠丸追風應痛丸乳香趁痛 散脚軟不能行者與黃耆丸木瓜丸小便秘澀與導 赤丸五淋散三和散大便秘者與麻仁丸秘甚者與 神功丸衝心悶者與三和散搶腰痛者可與大烏沉 湯不以輕重皆用五香散淋瀝若脚腫生瘡者透冰 丹</p>	<p>欽定四庫全書 太平惠民和劑局方 指南總論</p>
---	--	---	-------------------------------------



論諸風頭目昏眩皆因痰壅上盛可與青州白丸子頭	目昏眩多痰者可與辰砂化痰丸痰盛昏眩可與半	夏九天南星丸心肺有熱與龍腦芎犀丸痰盛項強	急與金沸草散痰多膈熱者可與川芎丸心胃不利	中苦舌乾可與透冰丹羌活丸防風丸痰甚心忪悸	者可與牛黃清心丸痰盛渴嘔者可與天南星丸	論諸風瘙癢癩疹皆因血氣不順面如蟲行潤動血氣	凝滯者可與排風湯胡麻散消風散四生丸甚者多	欽定四庫全書	太平惠民和劑局方	指南總論	服皂角煎丸何首烏散	論諸風頭痛目暈皆因風虛氣上攻頭目可與太陽丹	白龍丸茶調散川芎丸太陽穴痛與急風散塗痛處	眼昏頭痛者可與消風散追風散痰熱頭痛者可與	防風丸年高虛弱人風寒入腦頭痛發眩者與朮附	湯羌活丸三五七散偏正頭風兩太陽穴及眉稜骨	痛牽引兩眼昏暗者可與遇山散服	論諸風熱上攻面生熱瘡者可與驅風丸龍虎丹排風
-----------------------	----------------------	----------------------	----------------------	----------------------	---------------------	-----------------------	----------------------	--------	----------	------	-----------	-----------------------	----------------------	----------------------	----------------------	----------------------	----------------	-----------------------



湯胡麻散何首烏散羌活丸川芎丸白龍丸芎犀丸
或如蟲行可與追風散

論諸風恍惚驚悸皆因體虛受風邪心氣不足入於心
經者與定志丸降心丹平補鎮心丹辰砂妙香散熱
者牛黃清心丸

論諸風挫枕轉筋皆因氣虛項筋轉側不得筋絡不順
疼痛與通關散消風散大三五七散或追風散痰涎
盛與白丸子

欽定四庫全書

太平惠民和劑局方 指南總論

論諸風痰逆嘔吐諸風初發時痰逆嘔吐者可與溫中
化痰丸橘皮半夏湯藿香湯半夏散嘔吐者立止可
常服

論諸風脚膝緩弱皆因風虛氣血衰弱行止無力可與
黃耆丸木瓜丸俞山人降氣湯不赤不腫而痛者可
與洗風散淋沃洗之

論破傷風證皆因打撲傷破風入發腫者可與土圓散
生薑自然汁調藥貼患處內損者與太嶽活血丹血



不止者與花藥石散

論纏喉風證皆因積熱痰涎上攻咽喉口開不得水漿
不下與碧雪竹管子吹入喉中甚者與雄黃解毒丸
玉屑無憂散

論傷寒證候

傷寒總論活人書傷寒正名有一十六條外傷寒傷風
傷寒見風傷風見寒風濕中濕風溫濕溫毒中暍
熱病溫病瘧病溫瘧晚發疫癘外證一十六條外有

欽定四庫全書

太平惠民和劑局方_指南總論

六證相似中暑傷痰食積虛勞瘴癘脚氣與傷寒相
似而寔非傷寒此證人不曉皆言即傷寒也若不仔
細分辨證候虛實用藥則誤人性命在反掌之間不
可不知也

論傷寒得病之由凡傷寒初得病便不進飲食發熱一
向不止頭痛或渾身痛或自汗惡風憎寒壯熱者乃
是傷風傷寒證也便須問病得幾日有汗無汗惡風
不惡風或渴或不渴或嘔逆或不嘔逆小便通或不



通得幾日須用子細審問方可用藥傷寒一證與雜病不同若不對證妄投藥餌罪犯非輕誤人多矣論傷寒傷風證候凡傷風者皆因脫衣感冒被風吹霎着則洒然骨寒毛起惡風自汗者乃是傷風證也凡風吹則體自寒惡風無汗者是傷寒證也

論傷寒表證傷寒初得病一二日頭痛身體痛惡寒或微喘者體虛及老人可與五積散聖散子此二藥病多日及不惡風者不可服并夏秋之間亦不可輕服

欽定四庫全書

太平惠民和劑局方 指南總論

緣中暑似傷寒若中暑人誤服此二藥如抱薪投火其害非輕切宜審實子細用藥少壯者夏秋宜用金沸草湯來蘇散人參輕骨散葱白散和鮮散神禾散之類可服也 初得病一二日頭痛發熱身體痛惡寒無汗者可與葱白散八鮮散金沸草散人參輕骨散 初得病一二日或三日自汗頭痛惡風或嘔者可與升麻葛根湯敗毒散香蘇散葱白散人參輕骨散和鮮散神禾散之類皆可用若發汗後汗已退了



可與和氣藥嘉禾散正氣散

論傷寒裏證病人四五日至六七日不惡風寒及發熱
煩渴嘔逆手掌中及腋下微有汗出大便不通小便
赤得三四日腹中滿微喘狂言詬語者切不可妄投
熱藥只可與小柴胡湯一貼先進一服如人行十餘
里未通候半日久可又進一服以大便通出燥糞則
愈此裏證也煩渴者與五苓散或手足冷吐瀉不可
與小柴胡湯只服參苓白朮散四君子湯之屬如調

欽定四庫全書

太平惠民和劑局方 指南總論

理通後恐虛老人須用平補藥可與嘉禾散四君子
湯參苓白朮散

論解和證候傷寒傷風往來寒熱脅間痛乾嘔及大
便秘者可用小柴胡湯一貼病重者并服半貼方效
或言渴者或小便澀兼服五苓散 傷風四五日身
發熱惡寒項強而手足溫及大便不通者多用小柴
胡湯敗毒散秦芫鱉甲散之類 婦人傷寒三五日
至七八日月經當行或經水纔去作寒熱忽然詬語



如見鬼神狀日可夜甚此乃熱入血室也用四物湯
等分加柴胡煎服如不退用小柴胡湯兼入生地黃
槌碎煎傷寒嘔逆發熱兼參苓白朮散和解散輩
乃和解證也

論傷寒陽證傷寒陽證面赤作熱發渴至五七日不止
或服熱藥過多發強煩躁或瀉赤汁膿血者可服三
黃丸四順飲洗心散或大便秘結與小柴胡湯之類
論傷寒陰證傷寒二三日五七日身體疼痛不可轉側

欽定四庫全書

太平惠民和劑局方
指南總論

自汗四肢厥冷瀉而不渴或吐逆泄瀉臍腹痛或有
咽喉痛者可與理中丸理中湯四肢冷甚腹痛氣急
者與薑附湯多加甘草煎及附子理中丸併服更重
者用法鍊黑錫丹金液丹二氣丹之類隨輕重而用
之瀉止四肢暖有寒熱却用五積散聖散子十華散
之類微汗則解不然則毒氣再復便難治也

論傷寒陰陽二證有陰厥有陽厥最宜子細審問傷寒
陽證熱氣深則反厥若只認四肢厥冷便投熱藥此



害人性命在頃刻間發藥者極用仔細審問如是自
疑寧不發藥教他更請醫者看視不可亂發藥也
論傷寒陰厥證若初得病四肢厥冷身上起粟大便不
調或瀉或嘔此寒厥也可與理中丸理中湯之類
論傷寒陽厥證若初得病身便熱頭痛大便不通至六
七日渴甚狂言揭衣被不定疊脚手厥冷此乃熱極
而發厥冷必竟少時又却溫熱切不可便投熱藥且
與小柴胡湯之類

欽定四庫全書

太平惠民和劑局方
—
指南總論

昔有國醫孫用和一法探之須仔細察審外證方可
用藥凡傷寒四肢厥冷當察問病之因若證不明未
辨陰陽者且與四味理中丸加甘草再和勻作四順
理中丸服探之若是陰厥則服藥了形靜不熱定疊
當漸加前件理中湯等若是服四順理中丸了如煩
躁不定疊煩渴狂言自揭衣被者此是陽厥不可投
熱藥當用前件小柴胡湯之類

論傷寒潮熱傷寒五七日已上早晨稍惺惺至



申酉前後發熱不惡寒微有汗大便不通三二日或
詰語而渴者與小柴胡湯三五服重者五七服以大
便微利熱須退有渴者可與五苓散猶有煩躁及熱
未退者宜加七寶洗心散或與秦艽鱉甲散調理也
論傷寒頭痛傷寒雖退而頭痛不止者諸陽所聚熱毒
氣上攻頭痛不止者可與龍腦芎犀丸太陽丹白龍
丸川芎丸之類

欽定四庫全書

太平惠民和劑局方
— 指南總論

論傷寒發渴傷寒至五七日渴甚或發熱不惡寒大便

如常小便赤是胃中虛燥可與五苓散甚者與竹葉

湯發熱渴者與柴胡湯仍加瓜蒌煎

論傷寒嘔逆傷寒嘔逆有三證胃中有寒而嘔逆者可

與參苓白朮散五苓散四君子湯胃中亦有熱或發

渴口乾或小便赤澀與小柴胡湯或五苓散其小柴

胡湯極止熱嘔或少氣吐逆者用竹葉湯立效

論傷寒吐逆傷寒吐逆者胃寒吐而身涼或服涼藥太

多而不渴大便如常或自利或吐蚘蟲者此胃中寒



也可與人參丁香散參苓白朮散四君子湯理中丸
人參丸嘉禾散

論傷寒發喘傷寒喘急者皆因風寒邪乘於肺經氣上
盛發喘麻黃湯華蓋散欵冬花散人參潤肺丸養肺
丸或潤金散欵肺散皆可服也

論傷寒咳嗽傷寒咳嗽者由寒邪乘虛入於肺經或飲
水過多停飲咳嗽微喘發熱而渴或不渴或寒熱脇
下痛者可與小青龍湯二三服如脇下痛甚者必有

欽定四庫全書

太平惠民和劑局方—指南總論

停飲於小青龍湯內加醋炒芫花少許同煎不可多
用多則瀉人如發寒熱咳嗽未盡更進小柴胡湯每
服加五味子二十粒同煎或與秦艽鱉甲散

論傷寒吐血發衄傷寒五七日發鼻衄或吐血者熱盛
氣壅則衄血或吐血切不可妄投熱藥可與雞蘇丸
薄荷煎煎茅根湯或茅花汁令送下甚者可與三黃
丸如渴兼服五苓散清心散加真蒲黃煎服

論傷寒咽喉疼痛傷寒咽喉痛皆因內熱氣秘陽毒上



升薰則咽喉痛痰盛者可與如聖湯甚者可與四順
飲犀角飲洗心散皆可服之

論傷寒腹痛傷寒有熱腹痛者三四日大便不通遶臍
腹痛或發熱不惡寒或渴者此胃中有燥糞故發

痛也切不可用熱藥且如正氣散理中湯及諸推積

性熱藥皆不可用悞人性命只可與小柴胡湯加芍

藥少許同煎一二服如未效可至三四服取大便通

為度 傷寒腹痛有寒證因服冷藥太多大便自利

欽定四庫全書

太平惠民和劑局方 — 指南總論

腹中痛手足冷者可與理中丸甚者與附子理中丸

理中湯未效用薑附湯多加甘草煎用諸熱藥即止

氣虛及老人傷寒後腹痛大便如常者無熱只是

腹痛者可與黃耆建中湯多服取效

論傷寒大小便秘傷寒大便秘者可與麻仁丸未通者

與神功丸三黃丸有熱者與四順清涼飲後以參苓

白朮散嘉禾散補之小便秘結者與五苓散導赤丸

五淋散皆可與之



論傷寒後自汗傷寒後自汗者可服牡蠣散止汗散兼
嘉禾散黃耆建中湯加人參煎服又人參當歸散加
小麥煎服

論傷寒後自利傷寒後腹痛大便自利手足冷者可與
理中丸之類見腹痛條內

論傷寒後黃疸傷寒眼睛及遍身發黃疸小便不利或
頭上汗出者可與五苓散以山茵陳山梔子各少許
剉碎二錢煎湯調多服效

欽定四庫全書

太平惠民和劑局方 指南總論

論傷寒後腹滿傷寒後腹滿者不思飲食或食後不消
化腹脇脹滿者可與勻氣散沉香降氣湯蓬煎丸思
食丸參苓白朮散甚者與青木香丸兼嘉禾散四君
子湯木香分氣丸木香散木香流氣飲看虛實用之
論傷寒後患痢傷寒後患痢多是熱症或下純膿或下
純血與黃連阿膠丸駐車丸血多者與地榆散胃風
湯兼服之

論傷寒中濕證傷寒一身盡痛轉側不得骨節煩疼小



便不利大便反快額上微汗此中濕氣也可多服五苓散利小便次用朮附湯兼服之

論傷寒調理傷寒本無補法不可用太溫藥補之若補甚則再發熱但可用微溫藥調理只可與參耆白朮散虛弱老人用嘉禾散之類調理

論傷暑證候夏月傷暑亦云伏暑謂其人從熱中來便從涼處坐卧不知被外涼冷之氣閉暑熱氣伏在腠理中不能發泄故曰伏暑其證自汗惡寒或背惡寒

欽定四庫全書

太平惠民和劑局方_指南總論

而渴或面垢如未洗面人或板齒燥當門二齒乾是伏暑也嘔逆而渴者及卧不及席者是傷暑也可與五苓散桂枝丸大順散香薷散如發熱甚者可與香薷散竹葉湯枇杷葉散小柴胡湯冷服立效

論傷暑吐瀉中暑嘔吐發熱悶亂或霍亂吐瀉可與消暑丸五苓散桂苓丸香薷散之類

論停痰證候有痰在胸膈之間亦能增寒壯熱惡風自汗咽喉不利只是頭不痛身體不疼者可與金沸草



散消飲丸辰砂化痰丸倍朮丸之類皆可服

論傷食證候病有頭痛發熱惡寒或腹痛吐逆身體不痛只是四肢倦怠其證非傷寒止此是傷食在腸胃之間可與感應丸獨聖丸蓬煎丸嘉禾散思食丸諸傷食藥皆可服氣虛老人可服五積散吞下青木香丸順氣散之類

論瘧瘧證候

論寒熱瘧瘧證凡瘧瘧病雖是時行之疾然老少虛實

欽定四庫全書

太平惠民和劑局方_指南總論

受病有淺深大率不同有發熱不寒渾身似火頭痛煩渴詰語者有發寒不熱嘿嘿昏倦四肢厥冷臍腹疼痛有外寒內熱有外熱內寒有寒熱相半有啞不能言者有吐有瀉有吐瀉俱作當隨症用藥若只言瘧病一槩治之萬一不能取效也

若發時熱多寒少或內熱外寒但熱不寒渾身如火頭痛煩渴心胸躁悶詰語亂言大小便秘澀發作無時者可與小柴胡湯敗毒散升麻葛根湯來蘇散葱



白散神朮散 煩渴者與五苓散竹葉湯 詰語心
悶者與五苓散入辰砂細研和勻冷熱水調服兼服
與大至寶丹及小兒金箔丸兩三丸作一服 頭痛
者與太陽丹白龍丸茶調散之類
或熱少寒多或內寒外熱或寒熱相半或骨節疼痠
臍腹作痛者可與不換金正氣散人參輕骨散正氣
散聖散子五積散香蘇散建中散草果飲嘉禾散或
來蘇散之類

欽定四庫全書

太平惠民和劑局方—指南總論

或不熱只是寒或吐或瀉或吐瀉俱作四肢厥冷汗
出如雨嘿嘿昏倦者可與朮附湯四柱散嘉禾散或
鹿茸丸二薑丸十華散若服前藥吐瀉不止四肢厥
冷汗出如雨小便頻數者與參苓白朮散吞來蘇丹
三十丸至五十丸甚者薑附湯合和五苓散同煎服
渴者與參苓白朮散此一證二廣及漳州界上多
有之餘處無此症發藥須用子細審問的實不可輕
用悞人性命切記不可輕發熱藥



若發作有時或連日或隔日或三五日一發發則寒
多熱少或但熱不寒者於未發前先用小柴胡湯敗
毒散之類至發日却服露天飲或聖飲子勝金丸
嘔逆有痰涎者常山飲消暑丸之類其效如神

若熱少寒多或只寒不熱或寒熱相半者於未發前
可多與不換金正氣散建中湯正氣散平胃散和脾
散嘉禾散之類至發日五更初却服常山飲草果飲
發久者尅效餅靈癘丹老者及怯弱者不可服自宜

欽定四庫全書

太平惠民和劑局方 指南總論

斟酌

孕婦患癘疾難為用藥但只可與草果飲兼用平胃
散入鹽少許用溫酒調服

瘴癘瘥後喫粥或爛飲更當調和脾胃可與黃耆建
中湯四君子湯嘉禾散參苓白朮散曹脾散抓脾散
建脾湯平胃散和氣散思食丸大小養脾丸切忌生
冷酒果房色洗浴半月

傷寒十勸



一傷寒頭疼又身熱便是陽症不可服熱藥

傷寒傳三陰三陽共六經內太陰病頭不疼身不熱少陰病有反發熱而無頭疼厥陰病有頭疼而無發熱即是陽證若醫者妄投熱藥決致死亡

一傷寒當直攻毒氣不可補益

邪氣在經絡中若隨症攻之三四日痊安醫者必謂生須正氣却行補益使毒氣流熾必多致殺人

一傷寒不思飲食不可服溫脾胃藥

欽定四庫全書

太平惠民和劑局方_指南總論

傷寒不思飲食自是常事終無餓死之理如理中丸之類不可輕服若陽病服之致熱氣增重或至不救一傷寒腹痛亦有熱症不可輕服溫暖藥

難經云痛為實故仲景論腹滿時痛之證有曰痛甚者加大黃夫痛甚而反加大黃意可見也惟身冷厥逆而腹痛者是陰證須消息每見醫家多緣腹痛便投熱藥而殺人

一傷寒自利當看陰陽證不可例服補及止瀉藥



自利惟身不熱手足溫者屬太陰身冷四逆者屬少陰厥陰外其餘身熱下利皆是陽證當隨證依仲景法治之每見醫者多緣下利便投暖藥及止瀉藥而殺人

一傷寒胸脇痛及腹滿不可妄用艾灸

常見村落間有此證無藥使用艾灸多致毒氣隨火而盛膨脹發喘以死不知胸脇痛自屬少陽腹脹滿自屬太陰此外惟陰證可灸

欽定四庫全書

太平惠民和劑局方 指南總論

一傷寒手足厥冷當看陰陽不可一例作陰證

治有陽厥有陰厥醫者稍能分辨陽厥而投熱藥殺人速於用刃蓋陽病不至於極熱不能發厥仲景所謂熱深則厥深是也熱深而更與熱藥寧有復活之理但看初得病而身熱至三四日後熱氣已深大便秘小便赤或詘語昏憤及別有熱證而反發厥者必是陽厥也宜急用承氣湯下之若初得病身不熱大便不秘自引衣蓋身或下利或小便數不見熱證而



厥逆者即是陰厥也方可用四逆散湯之類二厥所以使人疑者緣其脉皆沉然陽厥脉沉而弱又陽厥脉時復指爪却溫陰厥常冷此為可別

一傷寒病已在裏即不可用藥發汗

傷寒病須看表裏如發熱惡寒則是在表正宜發汗如不惡寒反惡熱即是裏證若醫者一例發汗則所出之汗不是邪氣皆是真氣邪氣未除而真氣先涸死者多矣又有半在表半在裏之證及無表裏之證

欽定四庫全書

太平惠民和劑局方_指南總論

不惟皆不可下仍不可汗當隨證治而消息之

一傷寒飲水為欲愈不可令病人恣飲過度

病人大渴當與之水以消熱氣故仲景以飲水為欲愈人見如此說遂令病者縱飲因而為嘔為喘為欬逆為下利為腫為悸為水結為小便不利者多矣且如病人欲飲一椀只可與半椀飲之常令不足為善矣

一傷寒病初瘥不可過度飽及辛勞動或食羊肉行房



事與食諸骨汁及飲酒	病方愈脾胃尚弱食而過飽不能消化病即再來謂	之食復病方愈血氣尚虛勞動太早病即再來謂之	勞復又傷寒食羊肉行房事者並死食諸骨汁飲酒	者再病	欽定四庫全書 太平惠民和劑局方 — 指南總論	太平惠民和劑局方總論卷中
-----------	----------------------	----------------------	----------------------	-----	---------------------------------	--------------



欽定四庫全書

子部

太平惠民和劑局方卷下

詳校官太醫院醫士臣程泰

編修臣倉聖脈覆勘

總校官編修臣王燕緒

校對官主事臣陳文樞

謄錄監生臣左顯若



欽定四庫全書

太平惠民和劑局方指南總論卷下

宋 陳師文等 撰

論諸氣證候 附 脾胃 積聚

論一切氣證皆由憂戚中或盛怒中動傷真氣致陰陽不和結氣於胸膈之間壅滯不快飲食不下遂成膈噎之疾可與勻氣散五膈寬中散膈氣散沉香降氣湯分氣紫蘇飲七氣湯嘉禾散丁香煮散分心氣散

欽定四庫全書

太平惠民和劑局方_指南總論

小降氣湯之類

論氣虛腫滿氣虛腫滿者因脾氣停滯脾經受濕氣不流行致頭面虛浮四肢腫滿腹肚膨脹如鼓上喘氣急者可與茯苓散五苓散三和散分氣紫蘇飲木香分氣丸俞山人降氣湯小降氣湯蘇子降氣湯曹脾散嘉禾散 喘甚者可與潤金散欵肺散 大便秘者與三和散 小便不通五苓散

論乾濕脚氣脚氣有數種痛不可忍者謂之寒煩悶發



渴者謂之熱腫而重者謂之濕用隨證治之不可一
概論也濕腫者可與黃耆中湯小續命湯 風濕者
可與朮附湯 熱而發渴者可與紫雪湯衝心悶者
可與三和散麻仁圓降氣湯 搶腰痛者可與大烏
沉湯

論小腸氣疾小腸氣膀胱奔豚疝氣等疾皆因腎氣虛
弱膀胱久冷風濕乘之傷於腎經氣滯不散小腹刺
痛腎經偏弔未可驟服補藥先用疏導發散可與蘇

欽定四庫全書

太平惠民和劑局方 指南總論

子降氣湯五苓散蟠葱散鹽煎散川棟散大沉香丸
茴香丸仍炒茴香燒鹽細嚼熱酒送下或五香散正
元散華澄茄散之類 小便不通者與雞舌香散或
五苓散加痛稍退只用平胃散送下茴香丸調理
論癥積氣塊癥積氣塊皆因氣虛及寒氣熱氣怒氣志
氣喜氣憂氣愁氣內結積聚堅牢如杯心腹絞痛不
能飲食用藥漸漸消磨不能宣利可與七氣湯丁香
丸青木香丸木香推氣丸換氣丸蓬煎丸 積氣不



散腹脇膨脹可與積氣丸三稜煎丸 心下堅硬結塊衝心可與溫白丸 脹滿不思食者與養脾丸消食丸嘉禾散四君子湯

論脾胃諸疾久病脾泄腸滑不禁日夜無度虛羸者可與平胃散空心送下茴香湯兼服訶梨勒丸丁香豆蔻散 服諸藥不效者可多與人參豆蔻散有驗更有一種大便如故只是每日早晨水瀉一兩行日間都無事可服金鎖正元丹瀉止即住服

欽定四庫全書

太平惠民和劑局方 指南總論

論心脾疼證婦人心脾疼及血氣刺疼者可與蓬煎丸拈痛丸性熱不可輕用如得見沉寒痼冷端的方可用之蟠葱散雞舌香散鹽煎散如意丸皆可選用若痛連腰背或小腸氣刺痛及虛弱老人宜大沉香丸兩丸作一服立效丈夫熱酒下婦人醋湯下如不喫酒薑湯下更可與和氣散調和脾胃
論脾痛嘔逆脾胃痛甚嘔逆不納食者或如喘急者可與七氣湯加吐者與人參藿香湯 瀉者與大沉香



丸人參豆蔻散建中湯 忽暴心痛者與蘇合香丸
撞氣沉香丸

論心脾腹痛心脾腹痛多有積或有寒積者可與溫白
丸或保安丸虛老人不可多服此二藥只與木香推
氣丸或感應丸小獨聖丸理痛丸洗消去積次與正
氣散嘉禾散曹脾散人參煮散華澄茄散蟠葱散鹽
煎散雞舌香散抓脾散建中散 有寒者與大沉香
丸兩丸作一服次與蓬煎圓溫中良薑丸丁香煮散

欽定四庫全書

太平惠民和劑局方 指南總論

四柱散

論胃膈不快胸膈不快氣滯者可與沉香降氣湯烏沉
湯青木香丸七氣湯和氣散或人參丸紅丸子小理
中丸撞氣沉香丸丁沉丸順氣散三稜散如意丸蓬
煎丸 若煩悶甚大便秘者與青木香丸 脾痛者
可與蓬煎丸之類

論脾虛翻胃脾虛翻胃不納食及湯藥不下者可與膈
氣散人參木香散 苓白朮散五膈寬中散 噫氣



吞酸脾痛者可與如意丸思食丸之類

論宿患心腹痛有積塊氣塊癥癖日久發歇不常者不可取轉宜漸次消磨可與感應丸溫白丸挨積丸蓬煎丸小理中丸少喫數丸常服漸漸消磨更與和脾散嘉禾散參苓白朮散四君子湯思食丸建脾湯建中散平胃散之類助其脾胃久而能去其根 若痛有休止或往來上下胃中憤悶時吐冷沫中脘不快嘔逆惡心者恐是蟲痛可與集效丸或九痛丸其九

欽定四庫全書

太平惠民和劑局方 指南總論

痛丸有利性不可多服 若卒然心腹暴痛膨急不得息往來攻衝悶絕惡心者恐是疰忤鬼氣可與蘇合香丸若虛弱藏寒人可將蘇合香圓捏作餅子用火熨斗蓋之將藥餅安熨斗上焙令藥極熱以去其腦子性依法服之 若痛而不休胃膈塞悶嘔吐不定粥藥不下者可與順氣散送下青木香圓如無順氣散五積散送下亦得及九痛丸三稜散大沉香圓論腹脹心膨腹脹者若因傷寒或寒熱瘴癘或瀉痢大



病之後只是喫食後便腹脹心膨不美飲食噫醋吞
酸縱食些少亦覺膨脹者切不可用消食剋化之藥
若用藥動下轉加困重去生便遠也但可與正氣散
嘉禾散參苓白朮散四君子湯曹脾散人參煮散大
小養脾丸華澄茄散思食丸蓬煎丸如意圓瀉者與
人參豆蔻散丁香散但得氣壯自能飲食加倍膨脹
自愈

論痰飲咳嗽

欽定四庫全書

太平惠民和劑局方 — 指南總論

論痰飲證候諸痰飲不化留滯胃脘令頭目昏眩嘔惡
不快腹中漉漉有聲可與消飲丸倍朮丸五苓散
有寒者與理中丸青州白圓子俞山人降氣湯 中
酒渴及停飲嘔逆惡心者及頭痛或飲酒過多臂痛
連腰痛不思飲食與新法半夏湯消飲丸倍朮丸辰
砂化痰丸生氣湯快氣湯半夏丸天南星丸大養脾
丸橘皮半夏湯小降氣湯
論欬嗽喘急大抵咳嗽皆從肺出醫家細論發藥大略



有三有因寒者有風者有熱者風寒則從外至熱則從內起風寒則諸經自受其邪熱則諸經腑臟或薰乘而為病風則散之寒則溫之熱則調之瀉是瀉肺經非瀉腑臟也當用葶藶桑白皮之類是也因風者遇風則嗽甚因寒者值寒則寒嗽劇因熱者遇熱則嗽即發更有一驗甚的但問遇夜飲酒時夜間如何若喫酒後嗽甚則有熱也喫酒了嗽減則有寒也涎青白者有寒稠黃者有熱隨證發藥

欽定四庫全書

太平惠民和劑局方 指南總論

凡感風寒暴嗽咳唾稠粘胸膈不利可與金沸草散半夏丸欵花膏華蓋散五嗽丸潤肺丸欵肺丸青金丸小兒潤肺散欵冬花散 論寒嗽及復冷嗽或吐青痰遇夜嗽甚者可與細辛五味子湯養中湯五嗽丸俞山人降氣湯人參藿香湯胡椒理中丸溫肺細辛湯鍾乳補肺湯消飲丸倍朮丸丁香半夏丸分心氣飲參苓白朮散 惡風有寒者與小青龍丸兼服欵肺散人參欵花膏 論熱嗽胸膈不快氣壅上盛



臉赤口苦舌乾者可與金沸草散大阿膠圓人參養	肺丸清心飲子人參欵花膏半夏丸華蓋散人參潤	肺丸 風痰上膈壅熱咽乾及吐血者可與辰砂化	痰丸大阿膠丸蠟煎散人參養肺丸金沸草散青州	白圓子川芎丸雞蘇丸 久病嗽及虛老人宜與溫	肺丸人參補肺湯丁香半夏丸人參藿香湯化痰圓	寒熱相交秋冬之間多有此證可與欵冬花散半	夏丸華蓋散人參欵花膏人參潤肺丸小兒潤肺散	欵定四庫全書	太平惠民和劑局方—指南總論	青金丸潤金散一貼作兩服老人尤宜服 喘急氣	促睡卧不得者與定喘湯瑞應丸蠟煎散降氣湯欵	花散潤金散人參養肺圓華蓋散之類 唾膿血者	與欵冬花散九仙散	論諸虛證候 附痼冷	論諸虛不足皆因腎氣虛憊下元積冷腰背疼痛肢體	倦怠面色無光精神不爽唇口乾燥眼暗耳鳴小便	滑數夜多異夢盜汗失精不思飲食日漸羸弱可與
----------------------	----------------------	----------------------	----------------------	----------------------	----------------------	---------------------	----------------------	--------	---------------	----------------------	----------------------	----------------------	----------	-----------	-----------------------	----------------------	----------------------



兔絲子丸安腎丸八味丸無比山藥丸黃耆建中湯
茴香丸 脾胃虛弱者兼服壯胃藥 虛損甚者可
與麝香鹿茸丸沉香鹿茸丸法煉黑錫丹金鎖正元
丹張走馬玉霜丸正元散沉香鼈甲散椒附丸四柱
散 下虛洞泄者四柱散正元散丁香豆蔻散 治
心氣不足神思恍惚言語錯亂驚悸不定夜多異
夢可與定志丸降氣丹鎮心丸人參黃耆散妙香散
烏沉湯參苓白朮散 治小便白濁夢泄遺精可與
欽定四庫全書
太平惠民和劑局方
指南總論
平補鎮心丹降心丹威喜丸定志丸 冷憊虛損甚
者精冷滑不固者與金鎖正元丹 腰痛者與青娥
圓甚者與神應丸黃耆丸乳香丸活絡丹安腎丸追
風應痛丸如耳鳴者黃耆丸立效 虛勞發熱至午
後熱甚者空心服安腎丸八味丸山藥丸沉香鼈甲
散參苓白朮散嘉禾散食後服人參當歸散若嗽涎
黃或有血者臨卧服人參養肺丸 因虛勞用力太
過吐血不止者與秘傳降氣湯或與小降氣湯多加



人參煎服 狀發熱甚者與逍遙散 骨中熱者與 人參黃耆散 虛弱老人可與黃耆建中湯常服
虛汗盜汗心怯氣短者可與牡蠣散止汗散黃耆建 中湯大山藥丸人參當歸散加小麥煎服 自汗不 止者朮附湯正元散 心熱盜汗可與辰砂妙香散
論沉寒痼冷皆因元氣虛損下冷上盛致水火不交陰 陽失序手足厥冷及傷寒陰證霍亂轉筋下痢久瀉 脉候沉微者與黑錫丹來復丹金液丹附子理中圓
欽定四庫全書 太平惠民和劑局方—指南總論
金鎖正元丹四神丹
論積熱證候 附 咽喉口齒 眼目
論積熱咽喉痛上焦壅熱心經煩渴顛領結核者可與 玉屑無憂散牛黃涼膈丸消毒犀角飲四順飲解毒 丸積熱三黃丸 口舌生瘡可與碧雪龍腦飲玉屑 無憂散甘露飲礪砂丸 咽喉腫痛嚥物有碍者可 與如聖湯八正散四順飲龍腦飲甘露飲洗心散牛 黃涼膈丸犀角飲薄荷煎石龍散 積熱小便不利



者可與導赤丸五淋散 大便不通服清心飲三黃丸洗心散

論喉閉喉風證自其風邪客於喉間氣鬱而熱則壅遏而為咽疼自其熱氣生於肺胃風毒蘊隆則腫結而為喉痺其證若懸癰生於上腭雖不關於咽喉所以暴腫者抑亦熱氣使然也咽喉懸癰關要所係病不急療皆能殺人也

喉閉纏喉風者可與解毒丸洗心散玉屑無憂散碧

欽定四庫全書

太平惠民和劑局方 指南總論

雪甚者解毒雄黃丸

論齒牙疼痛牙齒疼痛其證不一有熱痛者滿口齒浮因上膈有熱而痛者有虛痛者皆因腎經虛憊虛熱之氣上攻而痛有風蟲牙痛者須用子細詳證方可服藥齒齟浮腫口內氣熱滿口齒浮而動此熱證也可與四順飲甘露飲洗心散龍腦飲清心飲子八正散次煎升麻葛根湯灌嗽吐去兼喫些小不妨 腎經虛憊虛熱之氣上攻齒痛及老弱人齒痛者可與



黃耆丸安腎丸鹿茸丸八味丸次用赴筵散擦之以
升麻葛根湯灌漱 風疰牙齒疼痛後生壯實者可
與細辛散赴筵散揩擦去風吐出痰良久以升麻葛
根湯灌漱即吐次與黑神丸乳香丸白龍丸 飲酒
齒痛者以井水洗漱或百藥煎泡湯冷含嚥或縮砂
嚼傳通用

論眼目諸證候眼目昏暗視物不明不腫不痛不赤亦

無翳膜此內障證候也或見黑花或有冷淚者是脾

欽定四庫全書

太平惠民和劑局方 指南總論

腎俱虛不可便服涼藥只可與明眼地黃圓菊睛丸

駐景圓還睛丸錦鳩丸決明圓 尋常肝有風熱眼

痒澀昏暗有淚視物不見只可與菩薩散決明散還

睛圓撥雲散菊花散蜜蒙花散腎風眼痒四生散秦

皮散湯泡散紫金膏洗春雪膏點 外障翳膜侵睛

努肉久病者空心可與駐景丸菊睛丸食後服決明

丸撥雲散菩薩散蜜蒙花散秘傳羊肝丸點剝膜膏

良久用紫金膏洗或春雪膏 暴赤眼昏澀疼痛羞



明下熱淚不可點亦不可洗只可與還睛丸洗心散	洗肝散八正散甘露飲菩薩散撥雲散 睛痛不可	忍者與羌活散還睛丸兩丸只作一服立止并治頭	痛風神效 眼眇赤爛視物不明昏暗有淚者肝有	風也可與菩薩散撥雲散洗肝散菊花散蜜蒙花散	決明散次用紫金膏洗春雪膏點	論諸血熱妄行凡吐血衄血不止昏眩目黃者可與龍	腦雞蘇丸薄荷煎四物湯加荊芥煎	欽定四庫全書 太平惠民和劑局方 指南總論	論瀉痢證候	論瀉疾證候暴瀉水瀉此二證秋夏間多有之皆因飲	食所傷及食生冷之物暴瀉不住須用仔細詢問若	噫氣吞酸乾嘔氣臭者此是傷食也可先與感應丸	一二服次與理中丸人參豆蔻散守中金圓來復丹	溫胃丸已上藥性皆溫甚者與附子理中丸理中圓	四柱散已寒丸溫中良薑丸二薑丸火輪散朝真丹	正元散金液丹二氣丹已上藥性皆熱丁香豆蔻散
----------------------	----------------------	----------------------	----------------------	----------------------	---------------	-----------------------	----------------	----------------------------	-------	-----------------------	----------------------	----------------------	----------------------	----------------------	----------------------	----------------------



微熱澀固須用子細審實無傷食者不可與感應丸
便用止瀉藥 吐瀉有腹痛者可與服木香推氣丸
沉香丸丁香丸感應丸 久病虛弱年高及氣弱人
藏府泄瀉久不止者可與人參豆蔻散厚腸膏參苓
白朮散不換金正氣散四君子湯之類

論霍亂吐瀉證霍亂吐瀉有冷熱二證寒多不渴者可
與理中丸薑附湯來復丹 霍亂吐瀉有熱煩躁而
渴者可服香薷散五苓散嘉禾散參苓白朮散四君

欽定四庫全書

太平惠民和劑局方 指南總論

子湯 霍亂吐瀉後調理脾胃可與參苓白朮散嘉
禾散五苓散四君子湯調氣散之類渴者與參苓白
朮散止之多服尤佳 出冷汗手足軟者加金液丹
二氣丹朝真丹未效者灸氣海若吐瀉定熱藥皆止
只用溫藥理脾

論痢疾證候皆因飲食失節動傷脾胃水穀相拌運化
失宜留而不利冷熱相搏遂成痢疾冷氣相搏其色
白熱氣相搏其色赤治之法皆用溫藥調和脾胃次



隨證治之大抵人說談須用子細詢問有裏急後重者腹痛者或不痛者頻頻登廁一日三五次或五七次無物者又說大便不通既裏急後重臍腹痛不止不問老少孕婦皆是痢也非無物出不識此證只言大便不通可子細辨之病人登廁攪有一兩點物或赤或白或如魚腦者此皆痢證也凡利下赤白或純膿或驚澹若先臍腹振痛遇痛即利下下後痛止者此為積痢可與木香挫氣丸感應丸各進兩三服次

欽定四庫全書

太平惠民和劑局方 — 指南總論

隨痢顏色治之 下利赤白可與駐車丸黃連阿膠

丸厚腸丸胃風湯 下利白多赤少者與厚腸丸駐

車丸人參豆蔻散 下利白少赤多與黃連阿膠丸萬

金丸金屑丸 下利純赤或鮮血者可與服黃連阿

膠丸地榆散萬金飲加麥門冬子煎純血痢須是審

問子細若下鮮血者是有熱遇下痢時微覺後重者

是有熱也 下痢純白滑泄者此是冷證可與丁香

豆蔻散阿黎勒丸駐車丸 若下瘀血或紫黑色者



<p>此是虛冷之甚遇痢下時微滑當與駐車丸厚腸丸 丁香豆蔻散 痢下赤白連綿日久愈而復發腹中 時痛諸藥不瘥者可與木香推氣丸不二丸駐車丸 厚腸丸感應丸 下痢日夜頻併虛滑者可與丁香 豆蔻散四柱散相兼服 更有一種脾毒下血與熱 毒痢一般證候但不心煩口不乾渴不喜冷餘者相 似可與王氏傳濟方內敗毒散以槐花枯礬二味為 末烏梅煎服若只下利臍腹不撮痛乃無積滯不須</p>	<p>欽定四庫全書 太平惠民和劑局方 指南總論</p>	<p>先服感應圓</p>	<p>論腸風痔漏證腸風下血臟毒下血或秘有熱者可與</p>	<p>三黃圓黃連阿膠丸濃煎木香湯吞下 有熱者與</p>	<p>雞蘇丸腸風黑散金屑丹萬應丸四物湯加荆芥并</p>	<p>防風煎 諸痔發作與釣腸丸 未破者驅毒散更</p>	<p>用猪胆汁塗之</p>	<p>論癰疽諸證 附 瘡癰</p>	<p>論癰疽發背諸赤腫毒不問四肢手足頭面初發便可</p>
--	-------------------------------------	--------------	------------------------------	-----------------------------	-----------------------------	-----------------------------	---------------	-------------------	------------------------------



<p>與漏蘆湯三仙散托裏散保安膏乳香內消膏導赤丸四順飲通氣散 癰疽發大便大通可與麻仁丸三黃圓 壯實者與神功圓須用通利三五行方得毒氣退也 已破者膿血出不快者可與三仙散漏蘆湯托裏散保安膏乳香內消膏貼之 瘡口久不合者可與桃仁散麒麟散</p>
<p>論惡瘡疥癬一切無名惡瘡漏瘡臙瘡冷瘡久年不愈者可與桃仁散麒麟散保安膏貼之 風毒熱瘡一</p>
<p>欽定四庫全書 太平惠民和劑局方—指南總論</p>
<p>名腎臟瘡風汁膿胞濕爛浸淫者可與何首烏散四生丸胡麻散四順飲 大便秘者與皂角煎圓桃仁散以滑肌散傅之 遍身生瘡密痒或生癩疹者先服通大便藥可與皂角煎圓神功丸麻仁丸何首烏散四順飲四生丸消風散胡麻散滑肌散黃耆圓白</p>
<p>龍丸 瘡乾痛者與玉龍摩風膏 湯火燒成瘡者與 散 疥疽頑癬與摩風膏白龍丸滑肌散清</p>
<p>心丸</p>



論婦人諸疾

論婦人諸疾皆因月經不調或前或後或多或少或淋瀝不止或閉塞不通肢體倦怠困乏少力飲食無味常服補者可與四物湯熟乾地黄丸內補當歸丸琥珀丸當歸建中湯沉香鼈甲散活血丹澤蘭丸益陰丹 血海冷憊者可與暖宮丸茴香丸大聖散小白薇丸黑錫丹麝香鹿茸丸內補當歸丸 經血過多淋瀝不止者與膠艾湯溫經湯小白薇丸烏金散益

欽定四庫全書

太平惠民和劑局方 — 指南總論

陰丹澤蘭圓內補當歸丸熟乾地黄圓 赤白帶下服諸藥不瘥者可服澤蘭丸兼服平補鎮心丹速效大聖散溫經湯澤蘭散小白薇丸紫石英丸 白帶不止腹常冷痛者可與暖宮丸麝香鹿茸丸法煉黑錫丹茴香丸威喜丸澤蘭丸正元散來復丹 帶下五色者可與益陰丹滋血湯伏龍肝散 崩漏下血過多頭目昏眩舉頭欲倒者可與芎藭湯膠艾湯烏金散琥珀丸暖宮丸大聖散內補當歸丸 崩中敗



血連日不止與滋血湯 血氣虛悠久冷崩漏下赤	白五色不定或如豉汁可與溫經湯伏龍肝散四物	湯 月經不通及室女月脉不行者可與蒲黃散逍	遙散大聖散異神散琥珀澤蘭煎通真圓活血丹四	物湯地黃丸 血氣勞胸膈不利經脉澀四肢煩痛	心悸者可與人參荊芥散熟乾地黃丸逍遙散 血	風氣虛頭旋及產前產后頭旋者可與保生丸四物	湯膠艾湯 虛勞發熱及寒熱俱發者可與黃耆鼈	欽定四庫全書	太平惠民和劑局方	指南總論	甲散逍遙散地黃丸澤蘭丸荊芥散嘉禾散參苓白	朮散 熱未退者與人參當歸散極妙 氣壯者可	與逍遙散 痰嗽或有血者臨卧服人參養脾丸	氣壯年少女人骨中作熱者可與熟乾地黃丸食前	服食後服人參黃耆散 疝瘕陰中疼痛或頭風入	腦寒痺筋攣血閉無子漏下赤白者可與熟乾地黃	丸鍾乳澤蘭丸牡丹煎丸 婦人無子或諸虛上熱	下冷百病皆生者可與小白薇丸禹餘糧丸陽起石
----------------------	----------------------	----------------------	----------------------	----------------------	----------------------	----------------------	----------------------	--------	----------	------	----------------------	----------------------	---------------------	----------------------	----------------------	----------------------	----------------------	----------------------



欽定四庫全書	太平惠民和劑局方	指南總論	論產前藥忌產前所忌損動胎氣藥物儒醫周鼎集為	導	丸 先有寒冷心腹刺痛或腫或寒下痢不止及少	氣者可與吳茱萸湯活血湯 血風攻症五心煩熱	遍身瘙癢或生癰疹或發赤腫可與人參荊芥散人	參當歸消風散四物湯加荊芥煎逍遙散甚者可與	服皂角煎丸 血氣凝滯者可服青木香丸疏通開	歌曰	躑躅野葛螻蛄類	烏啄側子與蝨蟲	牛黃水銀并巴豆	大戟蛇蛻及蜈蚣	牛膝藜蘆加薏苡	金石錫粉對雌雄	牙朴芒硝牡丹煎	蜥蜴飛生更蠅蟲	代赭蚱蟬胡腦麝	芫花薇蘅草三稜	槐子牽牛并皂角	桃子蟻螬和茅根	欖根礪砂與乾漆	亭長溲流岡草中
--------	----------	------	-----------------------	---	----------------------	----------------------	----------------------	----------------------	----------------------	----	---------	---------	---------	---------	---------	---------	---------	---------	---------	---------	---------	---------	---------	---------



瞿麥苧茹蟹爪甲	蝟皮鬼箭赤頭紅
馬刀石蠶衣魚等	半夏南星通草同
乾薑蒜雞及鴨子	驢馬兔肉不須供
切忌婦人產前用	此時直記在心曾
論產前諸疾妊娠三兩月日心中煩憤頭目眩重顛倒	
不安嘔吐煩悶此惡阻病只可與人參丁香散半夏	
茯苓湯茯苓丸小七香丸藥丁香	妊娠下血胎動
不安名曰漏胎可與安胎飲四物湯膠艾湯保生丸	
欽定四庫全書	太平惠民和劑局方—指南總論
琥珀丸澤蘭丸	臨產月常服滑胎飲散安胎飲保
生丸	產難或橫或逆或二三日不產者及胎死腹
中或胞衣不下可與花藥石散或用保安膏一貼作	
一服丸如梧桐子大溫酒吞下如未下再服	產婦
生理不順橫生逆生者可與服兔髓丸	產兒已出
但胞衣不下臍腹堅脹急痛者可與服牛膝湯	
論產後諸疾皆因新產去血過多津液燥少陰陽俱	
虛藏府怯弱切不可發汗及轉積令吐瀉亦不可服	



太燥熱藥補之只可用溫和藥漸次加減調理不可	取目前之急亂投湯藥反生他疾罪福非輕切宜戒	之新產血氣俱虛不可太補恐增寒熱當令惡露去	盡為佳可與黑神散大聖散澤蘭散蒲黃散 產後	去血過多昏迷運悶精神錯亂皆因去血過多氣血	無所主可與芎藭湯大聖散飯飲調下不效者與花	藥石散保安膏 產婦常用聞醋炭氣為佳 產後	忽然發熱渾身拘急者可與四物湯兼用人參當歸	欽定四庫全書	太平惠民和劑局方—指南總論	散逍遙散 產後腹中塊上下作痛者皆由惡露未	盡新血與敗血相搏可與黑神散蒲黃散依依煎兼	與蓬煎丸琥珀丸 產後惡露方下忽然斷絕寒熱	往來晝靜暮劇語言狂亂如見鬼神狀此因熱入血	室可與琥珀丸四物湯淨加柴胡一錢重煎服如不	退者用小柴胡湯加生地黃三兩莖槌碎同煎服	產後去血多津液少陰陽皆虛凡有傷寒時氣之疾	雖當發汗者切不可太過但可與輕骨散五積散敗
----------------------	----------------------	----------------------	----------------------	----------------------	----------------------	----------------------	----------------------	--------	---------------	----------------------	----------------------	----------------------	----------------------	----------------------	---------------------	----------------------	----------------------



毒散神朮散和鮮散大聖散之類 產後六七日忽	然臍腹作痛皆因呼吸之間冷氣乘虛而入可與當	歸建中湯理中丸道真元溫經湯大沉香丸鹽煎散	不退者與服平胃散吞下茴香丸 產後腹痛甚者	可與花藥石散太岳活血丹 產後煩渴欲飲冷者	皆因去血過多陰氣衰少客陽乘之當助其內可與	四物湯每服加烏梅兩個同煎渴不止與五苓散熟	湯調服 產後驚風狂言亂語如對鬼神精神不定	欽定四庫全書	太平惠民和劑局方	指南總論	者可與龍虎丹三丸作一服研好硃砂溫酒調下兼	服琥珀丸 產後血風頻增昏沉不醒身如針刺髮	隨梳落或偏身虛腫者可與龍虎丹三丸作一服用	當歸煎酒嚼下如瘙痒者兼服人參荊芥散 產後	乳汁不行者不可服諸行血藥致生他病只可服滋	養血氣藥自然血脉旺盛乳汁自調可與四物湯熟	乾地黄丸白薇丸內補當歸丸益陰丹大順散澤蘭	散之類 產後大便不通或秘澇者緣內無津液腸
----------------------	----------------------	----------------------	----------------------	----------------------	----------------------	----------------------	----------------------	--------	----------	------	----------------------	----------------------	----------------------	----------------------	----------------------	----------------------	----------------------	----------------------



胃乾燥切不可用猛烈藥下之恐生他疾可與四物湯加青皮去白每服入半錢拌勻同煎服更不通者可與麻仁丸三和散 產後轉胞小便不通者可與八味丸 產後吹乳急宜治之不爾結成膿血可與太岳活血丹及食後服消毒犀角飲以手按患處緩緩揉之次用三仙散抹患處乳頭上不可搽藥恐小兒食乳誤喫其藥極麻□服前藥未效可與服透冰散又方若夏秋只用芙蓉葉搗研細入新井水調稀得塗所患處乳頭周圍亦不得塗藥

欽定四庫全書

太平惠民和劑局方—指南總論

論小兒諸疾

論小兒急驚證急驚者皆因風邪干於心渾身壯熱上膈壅滯心神不定忽然驚搐渾身拘急筋脉抽掣者有此候須先問曾瀉不曾瀉曾吐不吐如不吐瀉忽然發熱手足抽搐目睛上視面赤口乾此急驚證也可與天麻防風丸蛇頭丸蝎梢散牛黃膏睡驚丸至寶丹金箔鎮心丸 感風傷寒作熱氣急痰涎咳嗽



或日間發搐此乃夾驚證也當先發表可與人參羌活散惺惺散少出汗如驚未退更服天麻防風丸墜痰傷食發急驚者其證作熱面赤煩渴亦當先發表可與惺惺散人參羌活散次服紫霜丸挨積丸感應丸消散積氣次服前件防風丸之類

論小兒慢驚證慢驚者皆因乳哺不調或食粘膩藏府壅滯及積熱為風邪所傳入於藏府乍冷乍熱心神不定脾胃感冷時或嘔逆身體溫壯手足不定睡中

欽定四庫全書

太平惠民和劑局方 指南總論

強亂頭目乍赤乍黃此乃慢驚或吐瀉俱作忽然發驚而手足不甚抽搐時瘳瘳及睡中露睛唇白手足冷口中氣亦冷切不可與急驚藥誤人多矣但可與金液丹四粒青州白丸子三粒同研以粥飲灌之如稍惺惺減金液丹加白丸子更與粥飲服理中湯益黃散參苓白朮散乳食後可與鎮心至寶丹或與金箔丸兼服令乳母忌生冷動風毒物亦令乳母服理中圓嘉禾散之類



論小兒胎驚證胎驚風者因乳母觸冒寒暑邪氣傷入於胎中生兒之後洗浴當風冷觸於臍邪氣不除變成胎驚之候百日之內頻頻煩躁啼哭無時目睛上視睡中搐搦或身冷頭面赤糞如青黃水者可與保生散每服一字薄荷乳汁調下更用琥珀丸調理乳母更用服和氣藥調理

論小兒諸疳證諸疳腹肚脹滿小便白濁糞下酸臭此是疳證可與五疳保童丸紫霜丸蘆薈丸六神丹

欽定四庫全書

太平惠民和劑局方 指南總論

口疳可與甘露飲清涼飲玉屑無憂散 口疳暴赤爛齒縫血出齙肉臭爛者名走馬疳可與五福化毒丹用生地黃汁調使雞翼毛刷所患處 小兒腹中有塊癥結硬面黃唇白肌瘦腹大寒熱往來如瘧或作潮熱者可與紫霜丸揆積丸進食丸開胃丸以意用之每夜少服微揆次服參苓白朮散益黃散調理緣小兒腸胃怯弱只可漸漸消磨不可大段瀉下論小兒吐瀉證吐乳瀉青者是傷冷也可與益黃散異



功散參苓白朮散揆積圓小香連丸駐車丸可通服
吐乳瀉黃者是傷熱也或小便赤澀者可與五苓
散香薷散參苓白朮散之類可通服 泄瀉糞白或
酸臭米穀不化者是傷食也可與感應丸揆積丸異
功散之類 泄瀉作渴肚脹小便白濁者是疝瀉證
可與紫霜丸五疳保童丸六神丹蘆薈丸參苓白朮
散之類 久瀉不止煩渴引飲食不絕者可與參苓
白朮散嘉禾散正氣散 吐不止可與丁香散及羌
欽定四庫全書
太平惠民和劑局方
指南總論
活膏之類 吐瀉不止或發驚搐甚者可與回陽丹
金液丹研碎米飲調灌之
論小兒痢疾證赤白痢或泄瀉者可與小駐車圓益黃
散胃風湯香連丸 久不止者每遇欲下痢先須腹
痛次下痢痢了其腹痛漸止者恐有冷積先服感應
丸揆積丸磨積丸紫霜丸次與前件痢藥或渴者兼
服參苓白朮散人參散不能飲食者先與異功散助
脾次服治痢藥 血痢者可與地榆散次服黃連阿



膠丸胃風湯小香連丸 久不止者有積欲下痢時
胸腹痛次下痢可與感應圓磨積丸紫霜丸之類次
服前件下痢藥

論小兒變蒸證變蒸作熱或汗出咳嗽或吐逆不欲食
或眼睛上視上唇有白珠子起乃變蒸候也不可作
傷寒治之但與四君子湯參苓白朮散之類 或熱
盛可與紫霜丸少許切不可多服

論小兒諸疾證顛項結核或赤眼瘡癰者可與消毒犀
角飲清心飲五福化毒丹甚者與服四順清涼飲微
下之或腫硬用保安膏貼之

欽定四庫全書

太平惠民和劑局方__指南總論

論小兒傷寒證傷寒疑二其證渾身壯熱咳嗽乍涼乍
熱又似瘡疹又似傷寒又似傷風疑二之間只可與
惺惺散升麻葛根湯小柴胡湯人參羌活散解表發
散切不可與下利藥 傷寒傷風其證渾身發熱口
中氣熱頭痛鼻塞或鼻流清涕可與惺惺散升麻葛
根湯人參羌活散



論小兒咳嗽證痰涎壅塞咳嗽者可與人參半夏丸潤肺丸辰砂化痰丸天麻防風丸 喘急喉中作水雞聲者可與人參定肺湯辰砂半夏丸 傷風咳嗽可與惺惺散發散風痰次服潤肺散細辛五味子湯人參補肺湯之類主之

論小兒寒瘧證瘧疾寒熱往來連日發或兩日或三日一次發小兒三四歲已上者可與感應圓三兩服去傷積次服不換金正氣散草果飲如喫乳小兒只令

欽定四庫全書

太平惠民和劑局方 指南總論

乳母服前件瘧藥更有小兒潮熱似瘧非瘧不可用瘧藥治之

論小兒疹痘證小兒患澹疹其證乍熱乍涼呵欠煩悶咳嗽噴嚏耳鼻冷及脚冷但只惡熱不惡風渾身熱甚者或發搐或不搐一向發熱者此乃痘疹證也可與升麻葛根湯惺惺散消毒犀角飲 已瀉者不可與他藥只服惺惺散

論小兒瘡癬證渾身疥癩疽溫妳癬頭瘡等疾可與清



<p>心飲消毒飲化毒丹通用之次用葱鹽湯洗拭乾以無比散摻之</p>	<p>論小兒雀目證雀目日間都無事遇夜不見物者是雀目也可時常與五福化毒丹臨卧用粟米飲調下</p>	<p>欽定四庫全書 太平惠民和劑局方 — 指南總論</p>	<p>太平惠民和劑局方總論卷下</p>
----------------------------------	---	---	---------------------

